

CYNGHRAIR CANSER CYMRU MANIFFESTO ETHOLIADAU CYNULLIAD CENEDLAETHOL CYMRU 2007

Pwy ydym ni?

Mae Cynghrai Cancer Cymru, a sefydlwyd yn 2006, yn ceisio hyrwyddo'r driniaeth, yr ymchwil, y gofal a'r mesurau gorau i atal cancer ar gyfer pobl Cymru. Mae'r Gynghrai yn cynnwys sefydliadau cancer gwirfoddol blaenllaw sy'n dymuno cael effaith gadarnhaol ar ddeddfwriaeth, llunio polisiau, adnoddau a gwasanaethau ar gyfer y bobl yr effeithir arnynt gan ganser yng Nghymru. Ar hyn o bryd, mae'r Gynghrai yn cynnwys Breast Cancer Care Cymru, Cancer Care Cymru, Cancer Research UK, Cymorth Cancer Macmillan, Gofal Cancer Marie Curie a Tenovus - the cancer charity. Gyda'n gilydd, rydym yn buddsoddi tua £15m bob blwyddyn mewn ymchwil a gwasanaethau cancer yng Nghymru.

Beth yw'r maniffesto?

Nod y maniffesto yw mynd i'r afael â'r prif faterion sy'n wynebu pobl Cymru heddiw o ran gwasanaethau cancer. O fewn y ddogfen hon ceir cynigion realistig a chyraeddadwy ar gyfer datblygu gwasanaethau cancer teg, o safon ryngwladol, y mae bobl Cymru'n eu haeddu. Ei nod yw cael effaith ar ddyfodol darpariaeth ymchwil a gofal cancer yng Nghymru ac i godi ymwybyddiaeth o faterion yn ymwneud â chanser ymhlith gwleidyddion, y cyfryngau a'r cyhoedd yn ystod y cyfnod ymgyrchu etholiadol ac wedi hynny.

Saith o faterion allweddol ar gyfer etholiadau'r Cynulliad Cenedlaethol 2007

Mae Cynghrair Cancer Cymru yn annog Llywodraeth nesaf Cynulliad Cymru i weithredu ar unwaith i ateb y saith mater allweddol canlynol er mwyn sicrhau gwasanaethau cancer 'o safon ryngwladol' ar gyfer pobl Cymru:

Cynllun Cancer i Gymru

Ar hyn o bryd mae gan Gymru blethora o bolisiau, ac eto i gyd mae wedi methu â chynhyrchu gweledigaeth un-stop â ffocws iddi a fyddai'n sicrhau cyflenwi'r gwasanaethau cancer gorau posibl ar gyfer pobl Cymru. Mae angen Cynllun Cancer i Gymru - cynllun cynhwysfawr, sy'n canolbwyntio ar y claf, gyda chyllid sydd wedi'i neilltuo er mwyn cyfuno'r polisiau, safonau a strategaethau presennol.

Mwy o fuddsoddi yn y gweithlu cancer

Gyda llawer o ganserau erbyn hyn yn cael eu rheoli fel cyflyrau cronig, ni fu'r angen am fwy o fuddsoddi yng nghynllunio a hyfforddi'r gweithlu erioed yn bwysicach. Mae'n hanfodol diogelu swyddi presennol yn ogystal â datblygu mentrau newydd. Mae hyn yn wir am bob cam o ddarparu gofal - o gynlluniau ataliol hyd at ofal diwedd oes.

Gwella diagnosis cynnar

Mae'n hanfodol bod mwy o gyfleusterau sgrinio a chyfleusterau diagnostig ar gael ar gyfer holl bobl Cymru er mwyn cynyddu cyfraddau goroesi. Rhaid sicrhau mwy o gydweithredu rhwng y Llywodraeth, elusennau cancer a'r cyfryngau er mwyn addysgu pobl ynghylch symptomau cancer yn ogystal â'r angen am sgrinio, yn arbennig felly ymysg grwpiau sydd wedi'u hallgau'n gymdeithasol neu grwpiau lleiafrifol.

Cynnig cyfle o ran gofal diwedd oes

Mae gofal lliniarol cymunedol yn flaenoriaeth er mwyn mynd i'r afael â'r rhwystrau sy'n atal pobl rhag marw gartref. Mae hynny'n golygu sicrhau bod y wybodaeth a'r adnoddau cywir ar gael i gleifion a'u gofalgwyr. Dylai cleifion sy'n derfynol wael allu byw a marw lle mynnont, lle bynnag bo hynny'n bosibl.

Mwy o fuddsoddi ac ymchwil o ran atal a brechlynnau

Gellir priodoli hanner yr enghreifftiau o ganser sy'n cael eu darganfod i faterion sy'n ymwneud â ffordd o fyw. Bydd cynyddu'r swm sy'n cael ei wario ar atal cancer ac ymchwil briodol yn lleihau costau triniaeth cancer hirdymor ac yn achub bywydau. Er enghraifft, mae angen cynllunio ymlaen er mwyn sefydlu'r manteision i iechyd a'r manteision cymdeithasol ac economaidd o gyflwyno rhaglen frechu HPV.

Mwy o fuddsoddi mewn ymchwil a threalon clinigol

Byddai datblygu ymgyrch gwybodaeth i gleifion genedlaethol yn benodol ynghylch treialon clinigol ar gyfer cancer yn cynorthwyo mwy o gleifion i wneud dewisiadau gwybodus ynglŷn â'u dewisiadau o ran triniaeth. Mae sicrhau mwy o gyllid gan y Llywodraeth er mwyn datblygu'r model Canolfannau Clinigol, gan dargedu hyfforddiant clinigol, treialon clinigol cynnar a chymorth seilwaith craidd yn benodol. Mae annog ymarferwyr Gofal Sylfaenol i gynnal ymchwil cancer hefyd yn hanfodol.

Cymryd gofal cymdeithasol o ddifrif

Mae 91% o gartrefi cleifion cancer yn colli incwm o ganlyniad uniongyrchol i ddiagnosis o ganser. Dylai pob claf cancer gael cynnig / gael ei atgyfeirio ar gyfer cyngor arbenigol ynghylch budd-daliadau pan fydd yn derbyn gofal. Mae angen rhoi mwy o gyhoeddusrwydd i'r Cynllun Costau Teithio i Ysbytai (HTCS) a gofalu ei fod ar gael i bob claf cancer.

Mae maniffesto manwl ar gael ar wefan pob elusen sy'n aelod o'r Gynghrair

